


ULRS - 1182 ETIKA DAN PERADABAN

ISU ETIKA AWAM (MEROKOK)

Dibentang oleh Kumpulan 2

♦Ahli Kumpulan

- LUBNA AL HAANI BINTI RADZUAN (A23CS0107)
- NUR FIRZANA BINTI BADRUS HISHAM
(A23CS0156)
- AIN NAJIHA BINTI JUNAIDI (A23CS0038)
- KAK YOU AN (A23CS5002)
- CHOONG CHEE WAH (A23CS5004)



PENDAHULUAN

Isu merokok di tempat awam seperti restoran masih diperkatakan dalam masyarakat walaupun terdapat undang-undang yang telah dibuat untuk mengatasi masalah ini iaitu peraturan-peraturan kawalan hasil tembakau 2004 dibawah akta Makanan 1983 [Akta 281] seksyen 36 yang menyatakan tentang cara-cara mengendali bahan tembakau dan larangannya.

Namun begitu, masih ramai lagi perokok-perokok yang merokok di tempat-tempat awam dan tanpa disedari perbuatan tersebut bukan sahaja membahayakan kesihatan diri sendiri, orang awam disekeliling juga menerima bahana asap rokok kerana menurut laman web rasmi Majlis Keselamatan Negara menyatakan sebanyak 60-75% asap rokok akan disedut oleh orang yang tidak merokok dikenali sebagai perokok pasif.

Selain itu, Jawatankuasa Fatwa majlis Kebangsaan Hal Ehwal Agama Islam Malaysia pada muzakarah kali ke-37 pada 23 Mac 1995 telah memutuskan bahawa tabiat merokok adalah haram dari pandangan Islam kerana terdapat kemudharatan dalam tabiat tersebut. Oleh itu, kami telah membuat sedikit soal selidik tentang merokok untuk mengkaji pandangan masyarakat Malaysia terhadap tabiat merokok ini.

Objektif Kajian

Kami membuat soal selidik ini adalah untuk mengkaji pandangan orang awam terhadap isu merokok di tempat awam dan kesedaran tentang kesan yang diterima oleh orang awam daripada tabiat merokok tersebut.

Ini adalah objektif soal selidik kami :

1.

Mengkaji pandangan masyarakat tentang tabiat merokok di tempat awam.

2.

Mengkaji tentang kesedaran masyarakat berkaitan kesan tabiat merokok kepada perokok aktif dan perokok pasif.

3.

Mengkaji tentang pandangan masyarakat berkaitan hukuman untuk kesalahan merokok di tempat awam.

Metodologi

01

Dapatan soal selidik diperoleh melalui kaedah kuantitatif dan kualitatif.

02

Soal selidik dilakukan melalui Google Form bagi memudahkan responden menjawab dimana-mana dan pada bila-bila masa.

03

Jumlah responden ialah seramai 49 orang yang terdiri daripada orang awam yang merangkumi pelbagai peringkat umur.


Senarai Soalan

Soal Selidik kami terdiri daripada soalan-soalan dibawah :

1. Adakah anda seorang pelajar?
2. Berapakah umur anda?
3. Apakah jantina anda?
4. Anda merokok atau tidak?
5. Apakah pandangan anda tentang merokok di tempat awam?
6. Adakah anda percaya bahawa merokok di tempat awam harus dilarang?
7. Apakah anda pernah merasa tidak selesa kerana orang lain merokok di tempat awam?
8. Pada pendapat anda, apakah hukuman yang wajar bagi mereka yang melanggar larangan merokok di tempat awam?
9. Apakah kesan merokok di tempat awam terhadap kesihatan orang sekeliling?
10. Adakah anda menyokong penambahan kawasan larangan merokok di tempat-tempat seperti taman awam, pantai, dan kawasan rekreasi?
11. Bagaimana anda menilai keberkesanan undang-undang larangan merokok di tempat awam?
12. Adakah anda tahu tentang program atau kempen anti-merokok yang dianjurkan oleh kerajaan atau NGO di kawasan anda?
13. Apakah saranan anda untuk mengurangkan masalah merokok di tempat awam?



1. Adakah anda seorang pelajar?



Daripada 49 responden, seramai 29 orang iaitu sebanyak 59.2% adalah seorang pelajar dan berbaki 20 orang responden adalah bukan pelajar.

Ini dapat menunjukkan bahawa pelajar mendominasi dalam menjawab soal selidik kami yang berkaitan dengan isu etika awam seperti isu merokok di tempat awam untuk memberikan pandangan mereka tentang hal yang sedang dibincangkan berkaitan isu etika awam iaitu merokok di tempat awam.


Pelajar yang dimaksudkan adalah variasi dari kalangan pelajar sekolah mahupun pelajar universiti.




2. Berapakah umur anda?

Majoriti responden adalah berumur antara 19-35 tahun iaitu seramai 32 responden. Seterusnya, kategori kedua teramai adalah dari kalangan 36-55 tahun iaitu seramai 11 responden. Selebihnya, kategori 12 tahun dan ke bawah, 13-18 tahun dan 56 tahun dan ke atas mempunyai wakil seramai 2 responden setiap kategori.

Peratusan ini dapat menunjukkan masyarakat yang berumur 19-35 tahun sangat terdedah dengan media sosial terutamanya Whatsapp kerana soal selidik ini banyak disebarluaskan melalui kumpulan-kumpulan perbualan yang disertai oleh pelbagai lapisan masyarakat.



3. Apakah jantina anda?



Daripada soal selidik ini, sebanyak 65.3% iaitu seramai 32 orang daripada 49 responden adalah berjantina perempuan.


Selebihnya iaitu sebanyak 34.7%, seramai 17 responden adalah berjantina lelaki.

4. Anda merokok atau tidak?




Seramai 43 daripada 49 responden tidak merokok. Daripada jumlah ini, dapat disimpulkan majoriti responden adalah perokok pasif iaitu orang yang tidak merokok yang menghidu dan menyedut asap rokok daripada perokok aktif tanpa disedari.

Berdasarkan soalan no.3, kami dapati perokok yang menjawab soal selidik ini terdiri daripada 5 orang lelaki dan seorang perempuan. Selebihnya adalah orang yang tidak merokok iaitu 12 orang lelaki dan 31 orang perempuan.



5. Apakah pandangan anda tentang merokok di tempat awam?







Sebanyak 87.7% responden iaitu seramai 43 responden sangat tidak bersetuju atau tidak bersetuju dengan tabiat merokok di tempat awam. Lebih 50% daripada orang ramai sedar keburukan tabiat merokok dan 3 orang daripada mereka adalah perokok.

Namun begitu, 2% daripada 49 responden iaitu seorang responden memberikan pandangan bahawa mereka bersetuju akan tabiat merokok di tempat awam. Berdasarkan soal selidik, responden yang bersetuju ini adalah seorang perokok. Disini, boleh dilihat bahawa responden ini tidak beretika kerana dia mementingkan dirinya untuk merokok di tempat awam tanpa menghiraukan hak orang lain yang tidak bersetuju dengan tabiat tersebut.


Manakala, seramai 5 orang responden yang memilih untuk neutral dengan tabiat ini terdiri daripada 2 orang perokok dan 3 orang bukan perokok.



6. Adakah anda percaya bahawa merokok di tempat awam harus dilarang?



7. Apakah anda pernah merasa tidak selesa kerana orang lain merokok di tempat awam?






Daripada hasil soal selidik, golongan majoriti iaitu 91.8% individu percaya bahawa merokok perlu dilarang di tempat awam. Dengan kesinambungan soalan seterusnya, majoriti daripada mereka juga sering berasa tidak selesa dengan kehadiran perokok di tempat awam.

Hal ini menunjukkan bahawa masih ada lagi golongan masyarakat yang prihatin akan isu ini terutamanya dalam aspek kesihatan diri dan keselesaan tempat awam. Dengan tindakan melarang merokok di tempat awam, bukan sahaja dapat melindungi hak kesihatan individu awam, malah mengurangkan risiko perokok pasif serta menjaga kebersihan dan keselesaan masyarakat sejagat di tempat awam. Selain itu, melarang merokok di tempat awam juga dapat meminimumkan pengaruh negatif kepada masyarakat terutamanya golongan muda dan remaja. Seterusnya, isu ini juga dapat mendorong perokok untuk berhenti merokok dan dapat menurunkan kadar perokok dalam masyarakat.





8. Pada pendapat anda, apakah hukuman yang wajar bagi mereka yang melanggar larangan merokok di tempat awam?







Terdapat 41.5% responden berpendapat hukuman dikenakan kompaun merupakan hukuman yang wajar untuk mereka yang melanggar larangan merokok. Hal ini kerana tindakan ini merupakan tindakan yang paling lazim digunakan untuk menguatkuaskan undang-undang. Jumlah kompaun ini boleh ditentukan mengikut kawasan atau kekerapan melanggar undang-undang.

Selain itu, 28.7% responden setuju kedua-dua amaran lisan dan kerja sosial merupakan hukuman yang wajar bagi kesalahan berikut. Amaran lisan merupakan hukuman yang agak ringan apabila dipertimbangkan. Kemudian, hukuman kerja sosial boleh dijadikan alternatif untuk memberi kesedaran kepada perokok tentang kebersihan awam.

Walaubagaimanpun, masih ada pihak minoriti sebanyak 1.1% berpendapat bahawa tiada hukuman yang wajar diberikan. Hal ini terjadi mungkin kerana mereka masih meragui keberkesanan sistem penguatkuasaan atau lebih percaya tentang hak kebebasan bersuara.



9. Apakah kesan merokok di tempat awam terhadap kesihatan orang sekeliling?






Hasil kaji selidik mendapati bahawa 34 orang responden memilih kesan merokok di tempat awam sangat berbahaya. Manakala 15 orang menganggap kesan isu ini hanya berbahaya. Walaubagaimanapun, tidak ada langsung responden berpendapat bahawa kesan tingkah laku ini tidak berbahaya langsung. Oleh itu, sudah terang lagi bersuluh bahawa merokok di tempat awam sangat berbahaya secara keseluruhan. Antara kesan merokok ialah boleh mengakibatkan sesak nafas. Asap rokok yang terdedah ditempat awam boleh menjelaskan kesihatan bukan sahaja kanak-kanak, malah wanita hamil dan warga emas seterusnya menjelaskan kesihatan mereka sebagai perokok pasif. Jika perkara ini berterusan, individu perokok serta perokok pasif boleh menghidap penyakit paru-paru lain seperti kanser paru-paru, emfisema dan bronkitis. Selain itu, boleh mengakibatkan strok dan serangan sakit jantung. Secara keseluruhannya, pendedahan asap rokok di tempat awam menyebabkan pelbagai kesan negatif terhadap kesihatan masyarakat sekeliling.






10. Adakah anda menyokong penambahan kawasan larangan merokok di tempat-tempat seperti taman awam, pantai, dan kawasan rekreasi?



Terdapat 79.6% respondens menyokong bahawa penambahan kawasan larangan merokok di tempat-tempat awam adalah digalakkan. Hal ini kerana mereka dapati bahawa dengan melakukan tindakan alternatif ini mampu untuk mencegah lebih ramai masyarakat yang tidak mempunyai kesedaran tentang bahaya merokok. Ianya bukan terkesan pada diri sendiri, namun orang sekeliling juga boleh menjadi perokok pasif iaitu apabila seseorang yang tidak merokok menghidu atau menyedut asap rokok yang dihasilkan oleh perokok aktif tanpa disedari. Sebagai contoh kanak-kanak yang sedang bermain di taman rekreatif mengalami asma akibat daripada menghidu asap rokok yang bebas di kawasan tersebut. Oleh sebab itu, penambahan kawasan larangan merokok adalah langkah pencegahan yang berkesan untuk mengelakkan perokok untuk merokok di tempat awam dan dapat mengelakkan berlakunya perkara yang tidak diingini.

11. Bagaimana anda menilai keberkesanan undang-undang larangan merokok di tempat awam?



◆ Menurut soal selidik yang dilakukan terhadap orang ramai, seramai 23 responden menyatakan bahawa undang-undang larangan merokok di tempat awam adalah kurang berkesan. Manakala hanya 3 respondens sahaja yang menyatakan undang-undang ini sangat berkesan. Perkara seperti ini berlaku disebabkan oleh ramai perokok tegar tidak peduli dengan undang-undang yang telah ditetapkan oleh pihak berkuasa. Sebagai masyarakat yang tidak merokok, mereka merasakan bahawa undang-undang yang ditetapkan tidak membawa apa-apa pencegahan langsung kerana masih terdapat ramai lagi masyarakat yang degil. Para perokok berani mencabar pihak berkuasa dengan melanggar undang-undang tersebut kerana tiada apa-apa tindakan yang dilakukan ke atas mereka. Jika ada yang menegur juga, mereka tidak akan peduli kerana bagi mereka perbuatan yang dilakukan itu tidak menganggu mana-mana pihak. Oleh sebab itu, pihak berkuasa hendaklah mengetatkan undang-undang larangan merokok di kawasan awam terutamanya di tempat makan bagi mengelakkan aktiviti merokok ini berlaku secara berleluasa. Pihak berkuasa juga wajarlah memantau di kawasan-kawasan tersebut dan mengambil tindakan terhadap perokok-perokok yang melanggar undang-undang tersebut.


12. Adakah anda tahu tentang program atau kempen antimerokok yang dianjurkan oleh kerajaan atau NGO di kawasan anda?



Berdasarkan soal selidik yang dilakukan, hanya 55.1% iaitu 27 orang respondens sahaja yang mengetahui tentang program dan kempen anti-merokok yang dianjurkan oleh kerajaan atau NGO di kawasan kediaman mereka. Kempen antimerokok ini dapat mendedahkan tentang bahaya merokok terhadap masyarakat terutamanya golongan kanak-kanak dan remaja. Hal ini kerana, golongan muda lebih mudah untuk terdedah dengan perkara yang baharu dan perasaan ingin cuba dalam diri mereka. Sebanyak 22 respondens yang tidak mengetahui kewujudan program dan kempen antimerokok di kawasan mereka boleh mengakibatkan aktiviti merokok berleluasa dalam kalangan mereka. Oleh itu, pihak kerajaan atau NGO hendaklah bertindak segera untuk melaksanakan kempen antimerokok ini di banyak kawasan dan mereka boleh mula dengan di sekolah supaya kanak-kanak mengetahui bahaya merokok yang boleh menjaskan kesihatan.

Tak nak!
Setiap sedutan membawa padah
Every puff take damages your body

13. Apakah saranan anda untuk mengurangkan masalah merokok di tempat awam?





LARANGAN MEROKOK DI RESTORAN & PREMIS MAKANAN



Kementerian Kesihatan akan mengisytiharkan SEMUA RESTORAN termasuk gerai dan warung di tepi jalan di seluruh negara sebagai kawasan larangan merokok.

AKTA

- Peraturan-Peraturan Kawalan Hasil Tembakau 2004 digubal di bawah Seksyen 36 Akta Makanan 1983

JIKA GAGAL PATUHI

- Individu Denda maksimum RM10,000 atau penjara tidak lebih 2 tahun.
- Pemilik premis makanan Denda RM2,500

AKAN DILAKUKAN PADA: 1 JANUARI 2019

KAWASAN TERLIBAT:

- Restoran berhawa dingin atau tidak
- Gerai
- Warung makanan di tepi jalan



Sumber: Kenyataan Timbalan Menteri Kesihatan, Dr Lee Boon Chye

Sinar

[Sinar Harian](#) [SinarOnline](#) [sinarharian](#) [SinarTV](#)



Anna Soeraya

Berdasarkan soal selidik yang dilakukan, seramai 34 respondens mengatakan bahawa saranan untuk mengurangkan masalah merokok di tempat awam adalah dengan memberi denda yang lebih berat. Hal ini kerana, mereka dapati perokok tegar menjadi lebih takut untuk merokok di kawasan larangan sekiranya dikenakan denda yang berat. Sepertimana yang telah dikuatkuaskan, kompaun sebanyak RM250 boleh dikenakan dan sekiranya gagal membayar kompaun, mereka akan didakwa di mahkamah dan boleh dikenakan denda tidak melebihi RM10,000 atau tidak lebih dua tahun penjara. Kawasan awam terutamanya premis makanan adalah sangat tinggi bilangan perokok merokok di situ. Hal ini juga disebabkan oleh segelintir dari pihak premis makanan tersebut gagal meletakkan tanda larangan merokok. Mulai 1 Januari 2020, pihak berkuasa telah menetapkan undang-undang bahawa perbuatan merokok wajib dilakukan di luar jarak tiga meter atau kira-kira 10 kaki dari setiap premis berkenaan. Oleh sebab tindakan yang dilakukan ini, aktiviti merokok berkurang dan masyarakat lebih berjaga-jaga untuk merokok di kawasan awam.

KATEGORI : KESEDARAN


KOD : SKC 22

BUNTING ROKOK
SAIZ: 2X5 KAKI



Seramai 29 orang respondens menyokong bahawa dengan melakukan kempen kesedaran mampu untuk mengurangkan aktiviti merokok di tempat awam berlaku. Seperti yang kita tahu, tujuan kempen kesedaran ini ialah mendedahkan bahaya merokok terhadap orang ramai. Masyarakat akan lebih mengetahui dengan lebih mendalam tentang bahaya merokok kerana segelintir daripada mereka tidak dididik atau diberi pengetahuan tentang merokok. Contohnya golongan muda seperti kanak-kanak, mereka berkemungkinan tidak mempunyai didikan tentang merokok oleh ibu bapa mereka kerana sudah terbiasa dengan kegiatan merokok oleh keluarganya di rumah. Mereka juga tidak mempunyai media sosial yang banyak memberikan informasi berkaitan bahaya merokok. Jadi pihak kerajaan atau NGO hendaklah memulakan kempen kesedaran ini di sekolah-sekolah agar dapat mendidik kanak-kanak membesar dengan gaya hidup yang sihat dan bebas rokok. Kempen kesedaran yang dilakukan hendaklah mendorong golongan muda agar tidak terlibat dalam sebarang aktiviti merokok. Pada 14 disember 2023, KPM telah melancarkan Kempen Hidup Sihat Cegah Rokok dan Vape untuk menekan trend murid yang menjadikan tabiat menghisap rokok dan vape sebagai satu kebiasaan. Dengan cara ini mampu untuk mengurangkan aktiviti merokok secara berleluasa terutamanya di tempat awam.

Terdapat 26 respondens memberi saranan pengharaman penuh merokok di tempat awam dapat mengurangkan aktiviti merokok. Dengan berbuat demikian, masyarakat yakin bahawa tidak akan ada sebarang asap rokok yang bebas di udara. Pihak berkuasa perlu membuat akta pengharaman merokok di tempat-tempat awam terutamanya di kawasan yang menjadi pusat para perokok berkumpul seperti premis makanan, pantai dan taman rekreasi. Namun begitu, premis makanan menganggap bahawa perokok tegar ini yang sentiasa memenuhi ruangan di dalam kedai mereka dimana hanya mereka merupakan pelanggan tetap. Jadi, segelintir premis makanan tidak melakukan apa-apa tindakan kerana bagi mereka mempunyai pelanggan yang ramai membeli di kedai mereka dapat menaikkan jualan mereka. Oleh sebab itu, banyak premis makanan yang tidak meletakkan tanda larangan merokok kerana tidak mahu kehilangan pelanggan mereka. Pengharaman penuh merokok di tempat awam amat digalakkan bagi mengelakkan perokok sewenang-wenangnya merokok di mana-mana. Ini kerana membangunkan tahap kesihatan rakyat merupakan antara dasar penting dan tanggungjawab kerajaan. Alternatif ini mampu untuk mengurangkan aktiviti merokok daripada berleluasa.



**KOMPAUN
KAWASAN LARANGAN
MEROKOK**

Keselamatan Negara
TANGGUNGJAWAB BERSAMA



Berdasarkan soal selidik yang dilakukan, terdapat 18 respondens memberi saranan menyediakan kawasan merokok khusus mampu untuk mengurangkan aktiviti merokok di tempat awam. Perbuatan ini dapat mengurangkan aktiviti merokok dengan mereka hanya dibenarkan merokok di kawasan yang telah ditetapkan sahaja. Dengan berbuat demikian, orang ramai tidak akan terganggu dengan asap-asap rokok yang bebas di udara kerana mereka telah dikumpulkan di satu tempat yang sama. Namun begitu, menyediakan kawasan khas merokok hanya mampu membendung pengurangan aktiviti merokok di tempat awam, tetapi tidak mampu untuk mengurangkan aktiviti merokok itu sendiri. Kadar perokok pasif mungkin akan berkurangan tetapi kadar perokok aktif akan meningkat disebabkan mereka mendapat tahu bahawa mereka disediakan tempat khusus untuk mereka merokok. Kegiatan buruk itu tidak boleh diberhentikan serta-merta terutamanya bagi perokok tegar. Menurut mereka, menyediakan kawasan khusus untuk merokok adalah salah satu galakkan untuk merokok kerana mereka diberikan kemudahan tersendiri. Oleh sebab itu, hanya segelintir sahaja masyarakat yang menyokong untuk menyediakan kawasan khusus untuk mereka merokok disebabkan oleh para perokok yang degil dan tetap melanggar undang-undang yang telah ditetapkan.

Kesimpulan

Daripada soal selidik ini, kami dapat simpulkan bahawa lebih daripada separuh golongan masyarakat memberi sokongan terhadap larangan merokok. Pada masa yang sama, dengan menilai keberkesanan undang-undang yang sedia ada, kami juga dapat memupuk kesedaran tentang larangan merokok di tempat awam.

Seterusnya, dengan soal selidik ini juga kami dapat mengumpulkan cadangan yang efektif untuk diperaktikkan terutamanya untuk jenis hukuman yang wajar serta kawasan tambahan untuk larangan merokok bagi menangani isu etika ini.

Konklusinya, isu etika merokok di tempat awam ini boleh ditangani apabila masyarakat memberi kerjasama dan bertanggungjawab untuk bertindak secara efektif demi menjaga kesejahteraan dan kesihatan orang awam serta keindahan tempat awam di negara kita. Bak kata pepatah, "Mencegah lebih baik daripada mengubati" kerana lebih baik kita mencegah perokok di tempat awam bagi mengelakkan masalah kesihatan di kemudian hari.

Rujukan



Masalah Pernafasan COPD

Merokok

BAHAYA MEROKOK: SAYANGI DIRI ANDA

MEROKOK DI KAWASAN LARANGAN, ANDA AKAN DIKOMPAUN

Larangan Merokok perlu Lebih Tegas

Maksud Perokok Pasif

Mengapa perlu peduli kawasan larangan merokok

Kompaun Denda Merokok

Kempen Kesedaran Cegah Merokok

Bahaya Merokok



ULRS1182-27 ISU ETIKA AWAM (MEROKOK)

Merokok ialah amalan menyedut asap daripada bahan tumbuhan yang terbakar. Nikotin berfungsi pada otak anda untuk mewujudkan perasaan santai dan menyenangkan yang menjadikannya sukar untuk berhenti. Tetapi menghisap tembakau meletakkan anda berisiko mendapat kanser, strok, serangan jantung, penyakit paru-paru dan masalah kesihatan lain.

lubnaalhaani@graduate.utm.my [Switch account](#)

Not shared

* Indicates required question

Adakah awak seorang pelajar?

Ya, saya seorang pelajar

Bukan, saya bukan pelajar

*Screenshot Google Form Soal Selidik



THANK
YOU

